



Medlem af Inatsisartut

Michael Rosing

**Biilernermet allagartat nunarsuup sinnerani atorneqarsinnaasut pillugit § 37
naapertorlugu apeqqummut 2017-218-imut akissuteqaat**

Asasara Michael Rosing

Biilernermet allagartat nunarsuup sinnerani atorneqarsinnaasut pillugit apeqquteqaatinnut qujanaq. Naalakkersuisut akissuteqarnissaminut piffissaq annertoq atorsimammassuk tamanna utoqqatsissutigaa. Tamatumunnga mail-it agguarneqartarnerini ajuusaarnaraluartumik kukkusoeqarsimanera peqqutaavoq.

09-11-2017
Sags nr.: 2017 - 25164
Dok. nr. 24915074

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

**1. Suna pissutaava nunarsuup sinnerani atorneqarsinnaasumik biilernermet
allagartartaartoqarsinnaannginneranut Kalaallit Nunaanni allagartaq
pissarsiarisimangaanni?**

Kalaallit biilernermet allagartaat tunngavigalugit, innuttaasut biilernermet allagartanik nunarsuup sinnerani atorneqarsinnaasunik tunineqarsinnaannginnerinut, biilernermet allagartat nunarsuup sinnerani atorneqarsinnaasut aqqusinerni angallannerit pillugit Wienimi isumaqatigiissut, Kalaallit Nunaannit atuutsilerneqarnikuunngitsoq naapertorlugu maleruagassiuunneqarnerat peqqutaavoq. Danmark-ip isumaqatigiissut atuutsilermagu Kalaallit Nunaannut tunngatillugu nangaassuteqartoqarpoq, tamannami isumaqarpoq atuutsilersinerup kingunerisaanik isumaqatigiissummi aalajangersakkat tamarmik Kalaallit Nunaannit malinneqartussanngortussaammata. Taakku sukumiisorujussuupput, aammalu ilaatigut biilernermet allagartanut, biilit ilusissaannut aqqusinernilu atortunut piumasaqaateqarfiullutik. Taamaattumik atuutsilersilertoqassappat, tamatuma biilinut piginnittunut kommuninullu kalaallinut aningaasartuuterpassuarnik kinguneqarnissaa naatsorsuutigineqarsinnaavoq.

**2. Naalakkersuisut danskit naalagaaffiat attavigilersaarnerlugu siunertaralugu
malittarisassat allanngortinneqarnissaat, Kalaallit Nunaanni biilernermet
allagartaq pissarsiarisimangaanni nunarsuup sinnerani atorneqarsinnaasumik
pisaartoqarsinnaanngorlugu?**

Naalakkersuisut Assartuussinermut, Illuuteqarnermut Ineqarnermullu Ministereqarfik aamma Kalaallit Nunaanni Politiit suleqatigalugit suleqatigiissitaliorput, biilernermet allagartaqartarnermi ajornartorsiutinut arlalinnut aaqqiissutissanik nassaarniartussamik. Apeqqt taanna suliamut tassunga ilaatinneqarpoq. Ajornartorsiutinik aaqqiisoqassappat tamatumani biilernermet allagartat pillugit nalunaarutip allanngortinneqarnissaa immaqalu Kalaallit Nunaanni Angallannermet Inatsisip allanngortinneqarnissaa pisariaqassaaq.

3. Naalakkersuisut suliamut soqutiginaateqarsinnaasunik allanik paasissutissanik peqarnerlutik?

Kalaallit biilernermit allagartaanik pigisaqartoq biilernermit allagartamik nunarsuup sinnerani atorneqarsinnaasumik pissarsisinnaavoq, allagartalik danskit biilernermit allagartaannik atuuttumik pigisaqarpat. Allagartallip biilernermit misilitsereermermini kalaallisut biilernermit allagartani danskisut biilernermit allagartamik taarsertissinnaavaa. Tamatuma kingorna allagartalik danskisut allagartani atorlugu EU-mi biilersinnaavoq aammalu EU-p avataani biilersinnaanermut allagartamik nunarsuup sinnerani atorneqarsinnaasumik tunineqarsinnaalluni. Allagartallip biilernermit misilitsinnissaanut Kalaallit Nunaanni angallannikkut pissutsit immikkut ittuunerat peqqutaavoq. Tamatumani pingaartumik motorvejeqannginneq, nunaannarmi aqqusernit aammalu aqqusernit naapiffiini qullit ingerlanissamut najoqqutassat ikinnerat pineqarput. Tamanna isumaqarpoq kalaallit biilernermit allagartaannik allagartallip pissutsini taamaattuni angalanissamut sungiussisimanissaa naatsorsuutigineqarsinnaanngimmat.

Danmark-ip Kalaallit Nunaat sinnerlugu kalaallit biilernermit allagartaannik atuisinnaanerup akuerineqarnissaa pillugu EU-mi nunanut ataasiakkaanut niueqatigiinnikkut isumaqatigiissuteqarnissamik misiliisinnaavoq. Tamaattorli ministerip nalilerpaa Kalaallit Nunaanni angallanermut pissutsit peqqutaallutik tamanna angujuminaattorujussuussasoq.

Assartuussinnermut Ministereqarfik naliliivoq, kalaallit biilernermit allagartaannik pigisaqartut danskit biilernermit allagartaannut taarsiisinnaanerisa ajornannginnerulersinneqarnissaa aaqqiissutissani pisariinnerpaassasoq. Biilernermit allagartat illugit suleqatigiissitap ajornartorsiut taanna aamma misissuiffigaa.

Neriuppunga matumuunakkut apeqquditit akisimassallugit.

Inussiarnersumik inuulluaqqusillunga



Erik Jensen